



DISSERTATIO MEDICA

INAUGURALIS,

DE

EPISPASTICIS.

DISSERTATIO MEDICA
INAUGURALIS,

DE

EPISPASTICIS;

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, S.S. T.P.

ACADEMIÆ EDINBURGENÆ Praefecti:

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

GULIELMUS IRVINE,

SCOTUS.

"Illa oratio potius temporis mei, quam judicii, et auctoritatis fuit." CICERO.

Ad diem 24. Junii hora locoque solitis.

EDINBURGI:

CUM PRIVILEGIO,

APUD ALEX. SMELLIE.

VIRO SPECTATISSIMO,

GEORGIO JARDINE,

CÆ IN UNIVERSITATE GLASGUENSE

PROFESSORI,

AMICITIAM IN SE PATERNAM,

HASCE STUDIORUM PRIMITIAS,

VULUM QUIDEM, SED GRATI ANIMI

PIGNUS,

SACRAS ESSE

VOLUIT AUCTOR.

I Free

on the Author.

DISSERTATIO MEDICA

INAUGURALIS,

QUAEDAM DE

EPISPASTICIS

COMPLECTENS.

IN lucem publicam rudes juvenis edere investigationes, nec sapientiae, neve modestiae convenit. More tamen celeberrimae hujus academiae institutis gesto, quae potui, de cutis externae irritationibus protuli: nec alia mihi spes fuit, quam ut errores plurimos, laude digna admodum pauca invenerit, qui leget. Lectorem au-

tem meminisse oportet, invitum me prorsus ad hunc laborem accingi, famae neutiquam amore abreptum. Veniam igitur et indulgentiam oro; “Fortunae caetera mando.”

A primâ usque medicinâ, multis irritati-
onis externae modis, veluti sinapismis,
cauterio, oleisque acribus, usi fuerunt medi-
ci; recentioresque, tam ob nominum magno-
rum veterumque auctoritatem atque famam,
quam ob experimenta, quae ipsi felicia fece-
rant, eximiorum horum medicaminum usum
maxime adauxerunt. Quare nunc quidem
dierum vix quicquid medicina hisce usitati-
us praebet; et non alio fere medicamento
orbatus medicus incommodum gravius per-
ferret. Quo veruntamen tempore primum
in haec remedia homines animos vertebant,
quibus formulis olim utebantur, aut quo-
modo, quos ederent effectus in morbis mul-
tis explorabant, ad quorum medelam spe-
cifica

cifica quasi hodie aestimantur, operam lu-
derit, qui quaeret; et felicissimâ fortasse
factâ investigatione, in statu eodem esse-
mus, quo ille, qui, cum e multâ paleâ gra-
na paucissima cum labore non exiguo ex-
cerpsisset, grana ipsa velut operis pretium
accepit. Pro explorato tamen habendum
est Hippocratem medicinae patrem horum
nonnulla medicaminum aegrotantibus ali-
quando praecipuisse; aliis vero jam recens-
is cauterium ipsum anteponendum ratus
est, dirius profecto remedium et crudelius,
maud vero certe potentius. Notatum sane
fuit medicorum observationibus inflam-
mationem internam, erysipelate cutem sup-
rajectam adorto, cito fugari: hoc de he-
patitide patebat. Verum enimvero sedulo
cavendum est, ne rationis humanae vim
limiâ dilaudemus curâ, eo a fortunato
quopiam casu exorto, quod ratiocinationi
tribuere volumus. Multa quidem et pul-
cherrima

cherrima hominum inventa, fortunâ duce, fuerunt reperta; nec aliter in medicinâ res se habet: nam, ut cum Celso dicam, non post rationem medicina inventa, sed post inventam medicinam ratio fuit quaesita.

Caeteris fere omnibus remediis, quae irritationes externae sive epispastica nuncupantur, hodie quidem anteponeere solent medici vesicatoria, sinapismos, atque olea acria ad fugaciorem, fonticulos vero et fetacea ad stimulationem magis diuturnam. Quin et alia sunt nonnulla, quae olim famam majorem sibimet ipsis vendicarunt: hodierni vero pauci iis utuntur; Britanni certo rare, alienigenae non saepe admodum. De his autem quoque medicamentis, quae mœxae, cauterii ipsius, emplastrorumque resinorum nominibus gaudent, pauca tam differere placet, quam de caeteris, vesicatoriis nempe, fonticulis, fetaceis, sinapismis, oleis

oleis essentialibus, alcohol, camphorâ, atque cauterio potentiâ.

Vesicatoria, ea saltem, quae maxime hominibus praecipere est mos, non inter inventa nominum vetustiora recenferi possunt. E pulvere cantharidum formantur cum aliis quibusdam commisto rebus, quae non virtutem majorem seu potentiam quamlibet novam adhibent, sed ductilitatem tantum tenacitatemque suppeditant. Hoc emplastro illita pellis sive pannus linteus cuti accurate admodum applicatur. Post spatium breve aegrotans dolorem conqueritur, primo levem ac titillantem, dein vero gradatim augescens, donec urendi sensum non ab simili modo refert. Si nunc quidem amoveatur emplastrum, cutis erysipelate quasi affecta esse videtur. Vesicatorii vero applicatione diutius continuatâ, epidermis a cute verâ paulatim distrahitur, et vesica sero multo

multo impleta denique colligitur. Tali autem modo agentia vesicatoria summis nituntur viribus ; aliquando enim nullum ferre omnino edunt effectum, et haud raro cutis solummodo rubescit, vel ne minimâ, vel feri quantitate effusâ parum notabili. Vesicâ autem incisâ, feroque emisso, pars vesicata vel unguenti simplicis ope curatur, vel longius protrahi possit stimulatio, unguento aliquo adhibito acriori ex infuso vel pulvere cantharidum praeparato. Ad multorum morborum medelam praecipiuntur vesicatoria, maxime tamen urgente dolore quovis, vel partis cujuslibet inflammatione. In phlegmasiis vero non prius adhiberi possunt, quam detractus fuit sanguis. Hoc enim praetermissô, corpus universum irritatione afficiunt, dolore parum levato. Si vero sanguinis ea antea subducta fuerit moles, quae ad diathesin phlogisticam compescendam valeat, effectum felicissimum edunt:

Et

Et in plurimis hujusmodi morbis magnam
praevertunt sanguinis jacturam cum summo
aegrotantis emolumento. Sanguine enim
(uti aliter aliquando necesse est) saepe de-
tracto, in debilitatem magnam incidit aeger,
unde morbi medela dubia fit ac tarda; ne-
cessariam quam crudelis omnino et lanio poti-
us quam medico congruens talis fit fluidi
vitalis effusio. Sedulo enim notandum est,
quamvis venaesectio modica saepe cum
eventu fausto celebratur, justo tamen pleni-
orem non tantum nequid boni, sed haud
raro detrimenti multum aegro afferre. Ve-
sicatoria porro optime ad dolorem sine in-
flammatione amovendum praecipiuntur, ve-
lut in hysteriâ et cephalalgîâ. In his tamen
morbis, a quibus scilicet diathesis phlogisti-
ca abest, non praemissâ opus est sanguinis
detractione. Observationes hae, paucae
quamvis ac parum abstrusae, eo usque nihi-
ominus valent, ut docere possint quanti ac-
timare

timare fas est vesicatoria ; quot et quam lethalibus morbis feliciter occurrunt ; et quam aegre ferre possit medicus remedii, talis ac tam efficacis jacturam.

Vesicatoria quoque, ut corpus torpidum ad vitam redintegratam velut in apoplexiâ et typho finiente suscitetur, saepe tamen cum infelici eventu praescribuntur. Neve hoc est medicamento vitio vertendum. Non quidem existat remedium, quod, nullo interposito dubio, aegrotanti sanitatem reddat. Vitae enim flammâ extinctâ fere ac tantum non penitus aboletâ a vi morbi exitialis, corporeque non alia animae adhuc non efflatae signa prodente, quam ut notari possit spem haud in sempiternum abiisse, quia dum vita tum spes, rationis expers ac philosophi nomine penitus indignus ille esset, qui id male fortunatum medicamini parum valenti tribueret, cui causae fuerunt vires naturae

naturae obrutae ac exhaustae. Atqui vesicatoria laudes magnas sibi a nonnullis vendicârunt, qui mature admodum haec medicamenta febricitantibus praeceperunt; antequam stupor quilibet, vel torpor fuisset corpus ad stimulationem novam cieri, aegro non adhuc insensibili, vel medicinae non excitando potestatibus. Alii medici hisce fuerunt usi, ut materies eliminetur morbificâ; alii quasi stimulis; alii velut exinanientibus; quidam ut solvatur lentor, atque nonnulli ut spasmus a cute vasibusque externis amoveatur. Sed medici hodierni quidem nil scire se in febribus de materiâ morbificâ profitentur, et rationem omnem eliminationis penitus ignorant: Stimuli multi sunt meliores ac efficaciores; febriumque simplicium per insulas Britannicas grassantium paucissimas magnam ferre posse extinctionem experientiâ tristi fuit investigandum; lentorem hodie pauci pyrexiae esse

causam credunt; et de spasmo hoc sufficiat, certe non per totum febris cursum continuare, minime saltem aegrotante per dierum plurimorum spatium continuo sudore madido. Vesicatoria igitur inter remedia generalia enumerare omnis vetat doctrina. Sed contra talem eorum usum fortiora adhuc pugnant argumenta. Auctoris enim clari experimenta non modo ista medicamina inutilia esse, sed perniciofa prorsus comprobavit, (vide Gregory Conspectus). Minime tamen abnegari possit medicos nonnullos, quibus diversa de hâc re est sententia, multa his omnino abhorrentia, ab experimentis quoque uti dicunt illata, argumenta narrare. Quum tamen ad morborum topicorum medelam vesicatoria praecipiuntur, aliter longe res se habet. Non aliud exstat medicamentum hisce praestantius ad cephalalgiae levamen, molestissimum istud ac periculosissimum typhi signum. Deliri-

um ipsum, quod raro capitis dolorem vehēmentem ac male curatum non excipit, hujus vi remedii aliquandō fugatur. Quidam reverā multa de delirii utilitate differuerunt, quod aegrum ab irritatione nocivā salvum, uti credunt, praestare possit. Quanquam vero minus in delirio mitissimo adsit periculi, ille nihilominus, qui vidit, quam faevissime cephalalgia vehemens in delirium transit, delirium in stuporem, stuporque demum cito pede in mortem, omnia conari festinabit, ut talia prius abigantur signa, quam cerebri organisatio adeo fuisset laesa ut nequaquam reddi possit sanitati. Vescicatoria hoc habent incommodi ut facillime eorum ope adsit dysuria: Quare his adhibitis plurima bibenda est aqua. Dyfuriā vero nihilominus aegrum adorientē, pars vesicata caute lavanda, enema ex amylo et laudano liquido injiciendum, opium et semicupium praecipienda. Nonnulli camphorā

phorâ utuntur; et magnopere praecavendum si capillos abradere necesse sit, ne cutis pars quaevis simul abscindatur. Hoc enim factô, facillime sorbentur cantharides, quapropter differre oportet vesicatorii applicationem.

Alium cutis irritandae modum fonticuli praebent et setacea: quorum altero materiei durae cujusvis vel stimulantis in cutem introductionem intelligimus, viâ factâ scalpellae, caustici, aut vesicatorii ope; altero verum cutis transfuturam acûs ope filum e gossypio factum ducentis. Horum utraque dolorem multum irritationemque excitant, pulque veram plus minus eliciunt: ita ut id lente efficere videntur, quod vesicatoria majore sed fugaciore quoque vi. Saepe eventu prospero in morbis vetustis, ubi dolor et inflammatio adsunt, velut in phthisi, morbo coxario, et hydarthro praecipiantur;

cipiuntur ; tunc quidem haud raro effectus
 feliciffimos edunt. Eorum tamen actio ad-
 eo est lenta ut vix plurimum ad morbi cujus-
 vis acuti medelam valeant. Fonticulo un-
 guenti e cantharidibus ope facto, phthisis
 signa mitescere multi aiunt, uti Cullenus alii-
 que. Richter Germanus trium phthifi-
 corum historias narrat, quorum unus ampu-
 tatione, alter fonticulo cum XXX pis-
 tertius demum pectoris abscessu ad sanita-
 tem pervenit : et vix notatis opus est quam
 similis omnino abscessus sit fonticulo. A
 quibus omnibus, non secus quam a rei ipsius
 naturâ colligere fas est, haud leviter in
 phthifi fonticulos et setacea valere. Mor-
 bus coxarius, qui hodie quidem tantum in-
 notescere incipit, periculo multo atque do-
 lore ut plurimum comitatur. Acetabuli ca-
 pitisque femoris affectio strumosa esse vide-
 tur, originem suam a noxâ aliquâ externâ
 plerumque ducens, hisque signis discernen-
 da ;

da; genu nempe, ac interdum coxae dolore, clune complanatâ, crure primum producto, postea vero decurtato et tabescente, aegro simul atque claudo. Morbus est lentus nec aliud nomen sibi vindicat quam chronicam quandam coxae inflammationem. Ligamenta primo laxa evadunt, unde longius fit crus; obveniente tamen suppuratione paullatim forbetur ipsius ossis caput, crus dein decurtatur, aegerque, dolore magno excruciat, ac febris hecticae succumbens, vitam plerumque effundit. Exitialis hujus ac minime rari admodum morbi natura non nisi paucis abhinc annis innotuit. Ischiadem eum esse medici olim crediderunt, a quâ tamen causa ejus aequae ac periculum omnino abhorret. Vero Eduardus Ford chirurgus Londinensis, eximium de hoc morbo tractatulum nuper in lucem edidit: medendi methodum porro addidit, cujus ope plurimos, si ulla detur fides, sanavit.

Caustico

Caustico enim cuti supra coxam adhibito, intègmentorum pars quaedam aduritur: post dies aliquot hæc suppuratione separatur, et in adeo factum ulcus pisa multa, sicut XII, vel plura, induntur, ut magna cieri irritatio, pusque uberius elici possit. Hoc facto, cito, ait Ford, signa vehementiora mitescunt. Diligenter autem animadvertendum est dolorem, a quo primo tempore causticum adhibitum fuit, leniorem saepe fieri, et aliquando etiam abigi, ne minimo quidem educto pure. Quo tamen propius morbum incipientem ad hoc medendi consilium fugerit medicus, eo minus dubitandum de medelâ. Notat porro Ford, quod tametsi vesicatoria et cum oleis acribus frictio bonos nonnullos effectus edant, non tamen ad morbum usque medendum valere. Signa enim, quamvis paulo primum mitescant, cito ad pristinam denuo revocantur atrocitatem. Ipse aegrum quendam tali medendi

dendi ratione a cruciatû multo levatum vidi: et a medicis peritissimis certior sum factus plures alios ad sanitatem usque fuisse perductos, qui multó ante lecto fuerant affixi non aliam ob causam quam dolorem intra ambulandum horrendum. Alii tamen medici hujus efficaciam remedii omnino fere abnegant. Forsan non absimile hoc aliis multis medicinae inventis nimis laudatum spem ideo destituit. Quanquam enim bonum, non tamen adeo quasi optimum, veluti primo creditum fuit. Idem Ford similem medendi methodum in hydarthro laudibus magnis effert, quem morbum tali modo aliquando sanavisse, saepe sublevasse se asseverat. Plena venae sectio topica atque vesicatoria crebra invicem alternantia fonticulorum vicem forsan praestare possint: sed strenue admodum haecce medicamina ~~adhibeantur~~ oportet. Illi sane qui tempus non revocandum conterit, hiru-

dines

dines quinque vel sex aëgrotanti praecipiendo cum vesicatorio singulis hebdomadis vel rarius adhuc, neque e voto res cedunt, neque cedere decet.

In morbo alio, spinæ nempe curvaturâ, hæc fonticulorum ope medendi ratio, quæ primo, uti credo, in mentem venit jure laudato Pott, in statu fere eodem est, quo in morbo coxario; alii enim medici ejus efficaciam agnoscunt, alii haud secus abnegant. Verum enimvero vix ac ne vix quidem de experimentis Pott, viri istius versatilis admodum ac ingenii omnium capacis, omnino est dubitandum; potius vero nobis concludere licet eorum saltem multos, qui hoc medendi consilium male omnino secum vertisse conqueruntur, minus mature vel strenue quam oportuit ad medelam sese accinxisse. Multum a morbi diuturnitate pendet; sanandi enim difficultas ratione augefcente in-

dies grandescit. Aliquid quoque inventoris fere omnis nimiae sui fiducia est tribuendum ; inter has erroris causas forsitan quaerenda est veritas. Ni vero tam in hoc morbo quam in morbo coxario fonticuli adsint non tantum lati sed profundi, haud adeo multum haecce remedia valent : neve hoc sufficit, nisi cauta simul atque adhibeatur cura ad irritationem validam excitandam. Tali vero medendi methodo longius continuatâ, effectus subinde felicissimi eduntur. Non quidem medela subita ac notatu facilis, velut in febris crisi ; qui tale quicquid futurum credet, spem illius falli procul dubio necesse est. Verum si mediocriora speret, et non alia quam signa pedetentim mitescencia, cibi cupiditatem auctam, oculosque vividos expectet, viribus corporis simul atque renovatis ac febre hecticâ, si qua adfuerit, fugatâ, parum abest probabilitas, quin res e voto cedent. Aliquando sine dubio citior

citior erit medela, sed aliquando quoque tardior adhuc, et haud raro non omnino eveniet. Si igitur medico non talis fit patientia, qualis ad lentarum adeo rerum adventum praestolandum valeat; vel si strenue dies paucos primos tantum se ad medelam accingat, magno facto fonticulo et cum pisibus bene impleto; rebusque non adhuc melius vertentibus, si focors fiat ac parum diligens; si longius hancce medendi methodum continuet, solummodo quia alia quae praescribat non sciat medicamenta, tunc pisorum paulatim minuitur numerus, fonticulus granulationibus impletur, non amplius excitatur irritatio, neve medicatûs hujus sit experimentum. Si e contrario hebetis sit ac torpidi ingenii vir, parvum faciet in morbo coxario fonticulum et in spinae curvaturâ superficialiarium; et quotidie, dum mensium aliquot spatium haecce continuet, de chirurgicorum Pott et Ford impudentiâ singulari mirabitur,

qui stupendas adeo et falsas penitus fanationum historias in lucem publicam ederant. Neve aberit, quin sibi gratulabundus cogitabit qualis ipse sit vir, qui jactatorum errores adeo speciosorum patefecerat. Omnibus eadem sunt remedia, sed non omnibus eadem audacia sagax, atque firma animi constantia. Praeter vero fonticulorum et setaceorum usum, utpote quae partes subjacentes afficiunt remedia, modus ea adhibendi alius est vix minus generalis ad humores, scilicet, e corpore eliciendos. Situs quidem parum valet: a parca nimis vel copiosiore humorum detractatione effectus, quos bonos malosve edunt, sperandi sunt omnes. Fluidorum minuant molem; quamobrem ea ad plethorae levamen praecipiuntur, ac si quo tempore ulceris vetusti, haemorrhoidum, sive exanitionis aliae cujuslibet fluxum sistere sit votum. ~~Medici nonnulli~~ ob quam efficiunt revulsionem iis adhuc utuntur; cujus

pro exemplo fit fonticulus in cervice ad ophthalmiam, amaurosin, tineamve capitis amovendam. Fonticuli in femoribus a nonnullis haud mediocriter ad anginae pectoris medelam fuerunt laudati: Quomodo ibi agunt, ignorantia nostra nimia de hujus morbi naturâ nos investigare prohibet. De iis igitur medicamentis forsan concludere licet, multum audacter praescripta valere, parum timide.

Sinapismi nuncupantur cataplasmata quaedam e pane cum sinapi pauxillo et aliquando aceti commisto praeparata. Vegetabile aliud quidvis acre effectum haud ab similem edit: Sinapi vero facilius comparari queat, caeterisque plus valet. Cito ejus ope excitatur rubor erysipelatosus atque urendi sensus; raro autem tam longe corporis parti cuivis adhibentur, quam ut vesicata sit. Hujusmodi vero vesicationibus exortis, fac-

ta exinde ulcera sanatu sunt difficillima. Sinapismi igitur manifeste tantum ob irritationem, quam edunt, praecipendi; minime utpote quae corpus exinaniunt medicamina. Saepe aegrorum pedibus febre aliove morbo correptorum, quibus sane vita vix superest, adhibentur. Dum cantharides caput vesicent, sinapismi pedes ad inflammationem excitant; unde videre est aegrum, si sanitati non reddatur, secundum artem nihilominus emori. Sinapismi plantis maxime applicantur: Verum aegrotans, si morbus pellatur, non mediocre ob cutem pedum teneram fert incommodum; quare pars pedis superior, quae vix multo minus irritabilis, longe magis est opportuna. Qui vero ab hoc remedio moribundis fere, uti mos est, praescripto multa sperabit, illi haud abest dubium quin parum e voto res cedent. Quanquam anceps talis etiam medicatûs auxilium medico sagaci minime est spernandum.

pernandum. Sinapismi vesicatoriis nonnunquam anteponendi, quando scilicet, quod cito effectum edat, opus est medicamine, vel aegrotanti vesicationis parcenda est molestia; alioquin vero minor eorum est efficacia.

Cauterium potentiale rarò admodum ad cutem irritandam praecipitur. Postea enim hujus ope cutis adusta fuit, aliae ad irritationem continuandam potestates huic anteponuntur. Adeo sine dubio cauterium potentiale adhiberi possit, ut hic quoque edatur effectus; sed caeteris nullomodo praestat medicamentis, quae vero huic antepomendae, a quibus nempe vis abest corrodendi.

Olea essentialia quae ad partes externas stimulandas praescribuntur, olea praecipue sunt terebinthinae ac succini: De oleo autem

tem

tem camphorato atque ammoniato, de alcohol, oleo olivarum calido, caeterisque frictionis auxiliis pauca simul atque differere placet. Haec omnia medicamina cutem inflammant: Quamobrem rubefacientia nuncupantur. Inertia sunt aut languida saltem remedia, vesicatoriis nempe comparata. Eorum vero usus tutus est ac facilis, neque omnino abest efficacia quaedam; quapropter ista adhuc adhibentur. Hujusmodi medicamenta caetera oleum terebinthinae longe antecellit; omnibus sane cedit oleum olivarum. De his autem remediis notandum est multum a frictione eorum efficaciam pendere: Quo porro inertiora sunt medicamina, eo hoc est certius. Ad dolorem sublevandum, velut in affectionibus hystericeis inflammationibusque quibusdam levioribus praecipiuntur. Aliquanto ad tonum instaurandum, uti in anasarcâ, valent. Eorum quolibet in morbo isto uti licet:

Verum

Verum terebinthina caeteris forsan antepo-
nenda, quia, dum pariter vel plus etiam par-
tem stimulet, olei hujus aliquantulum sor-
beri possit et major inde oriri urinae fluxus.
Attamen ab olei terebinthinae usu id profi-
cisci possit incommodi, quod cutis nempe
ad inflammationem excitari possit, dum gan-
graenae maxime sit obnoxia; quare nec dure
admodum nec saepe pars est quaelibet fri-
canda. Oleum hocce, sive ex hoc praepa-
ratum aliquid frictione validâ spinae indies
adhibitum, ut cieri possit ac continuari cu-
tis inflammatio, haud raro pertussi feliciter
occurit; eo sane vesicatoriis anteponendum
est, quo quotidie repeti potest, ac irritatio
inde oriatur perpetua.

Consideranda adhuc manent medicamen-
ta alia pauca, de quibus nunc agere solum,
quia viri illustres ea laudibus magnis olim
extulerunt, decrevi. Horum primum maxi-

meque horrendum, longe vero celeberrimum, cauterium est ipsum, remedium tunc sane inventum, quando ars chirurgica vix ac ne vix quidem arti praeſtabat laniorum. Crudele quanquam atque ſaevum medicamentum, effectus nihilominus bonos aliquando edidit. Chirurgis reverâ qui nil de ligaturis ad hæmorrhagiam ſiſtendam ſciverunt, ſpes nulla adfuit, niſi ſtypticis adhibitis, ſpongiis ferrove candente. Non ambigitur porro, quin cauterii ipſius ope facti fonticuli, licet ultra modum omnem crudeles ſint ac acerbi, neutiquam tamen aliis, manu ſcilicet leniori adhibitis, minus ſunt efficaces. Plurimae fuerunt operationes aliae, chirurgiâ jubente ac admoto igne factae, de quibus autem ut rei noſtræ omnino alienis hic differere non placet. Calor mediocris cutem inflammât; intenſior paullo veſicat: acerrimus vero factus cutis vitam extinguit, partibus inflammatis ſuppoſitis.

positis. Semper dolore sibi proprio stipatur, caeteris fere omnibus atrocior. Neve est cur caloris in corpus externum actionem a cantharidum acriumve aliorum actione discrepare credamus. Utraque cutem inflammant, vesicant, doloremque urentem dictum excitant. Quanquam calor corporis fabricae fiat obnoxius, si quo tempore intendatur nimis, inde vim ejus quod ad gradum caeteris majorem esse, nequaquam vero genere differre, concludere fas est. Attamen remedium hocce penitus hodie rejicitur; nisi quidem ferramenti candentis usum, ad nervum dentis odontalgia affecti urendum, animadvertere placet.

Moxa quasi alius urendi modus adhibetur. Materies est vegetabilis, quam colit India orientalis. E hac fit conus, cujus basis corporis parti alicui applicatur, apice incenso. Tali modo cutis aduritur, ulcusi-

que

que factum. Gossypium eadem fere efficit; sed hodie rare admodum ad horum cuiuslibet usum effugit medicus.

Emplastrorum resinorum nonnulla quoque sunt notanda. Haec sunt praeparata quaedam e resinâ rebusque aliis, quas in pharmacopoeiâ videre licet. Minime hic quidem de emplastris vesicatoriis, adhaesivis, narcoticisve quicquid est differendum; verum de iis tantum, quae tumores discutunt, iisque roborantibus dictis, vel e pice factis. Haec omnia tumoribus dolore expertibus applicantur, et ad morbos alios amovendos. Ea vero non praecipere solent medici magna sperantes: vix enim medicamenta ea antecellunt, quae *placebos* linguâ vernaculâ nuncupamus. Cutem paullo rubefaciunt; atque rubori huic est tribuenda aliqua, quam jaçant, efficacia.

Haec igitur medicamentá sunt ad irritati-
onem ciendam externam usitatoria. Nec
tamplius quod ad actionem invicem discre-
pare videntur, quam uti plus minusve eo-
rum effectus fugaces sint aut validi. Multa
opinioní huic favent. Haec omnia medi-
camina partem, cui adhibita fuerunt, irri-
tant, inflammationemque cient, quam exci-
pit effusio. Nec quicquid inter ea generice
interesse nos concludere oportet, quia semper
non idem prorsus sit fluidum effusum. Pos-
terius eorum actionem aliquando saltem
non ab evacuatione quâlibet pendere de-
monstrare conandum est. Si vero hoc frus-
tra tentemus, notatu tamen dignissimum
est, quanta inter fluida intercedit simili-
tudo. Serum pusque principia sunt; et de
his a viris, quibus nemo ingenii acris ac per-
spicacis laudem negabit, fuit iudicatum pus
se fero praeparari. Irritationis externae por-
ro modi varii ad morbos plurimos fugandos
adhibentur,

adhibentur, quorum maxime notabilis est similitudo. In phthisi enim morboque coxario quanquam fonticulos et fetacea, in phlegmasiis quanquam vesicatoria sinapismosque caeteris praeponimus, haec idcirco facta sunt, quia priores, morbi scilicet chronici, medicamenta, ut ita dicam, chronica sibi met vendicant; posteriores vero, qui citius ad crisin perducuntur, auxilia quaeque fortiora. Omnia haec igitur dum perpendamus, certe quod ad gradum, genericè autem non probabiliter discrepare confitendum est. Nunc vero de eorum actione pauca differere oportet: et quatenus sint de hac opiniones corporis vivi legibus convenientes.

De epispasticis ratiocinationes variae fuerunt et mutabiles pro theoriâ medicâ tunc temporis maxime pollente: tentavit enim quisque non theoriam suam ad naturae normam,

nam, verum ē contrario naturam ad theōri-
am accommodare. Quum pathologiae hu-
morali homines fidem darent, haud absur-
de vesicatoria humorem peccantem e corpo-
re elicuisse existimaverunt. Hodie autem
de atrâ bili et pituitâ fabulosa ista credere
animus noster parum inclinât. Si vero ali-
ter res se habuerit, postulandum adhuc est,
ut aliis nunc unum nunc alterum humorem
vesicatoria praeponant. Neque materia mor-
bifica rationem meliorem praebet. An ma-
teries ulla talis adsit in plurimis vesicatorio-
rum ope medendis morbis omnino ambigi-
tur : ejus autem eliminatio prorsus fide est in-
alligna. Corporis totius materiam morbificam
in digitorum trium quatuorve transverso-
rum spatium colligi, deinde vero eliminari,
pore nihilominus fere ne minimam qui-
dem acrimoniam prodente, non est creden-
dum.

Boerhavius vesicatoria morbis communi-
bus occurrissè, vel in corpus univèrsu
egissè ob sanguinis lentorem solutum arbi-
tratus fuit: quam tamen doctrinam vix fa-
gax D. D. Cullen satis superque falsam esse
demonstravit. Verum enimvero quando
epispastica ad phlegmasias tollendas adhibe-
antur, ea revulsiónis vi effectus suos prae-
stitisse putavit. Minime vero de hâc senten-
tiâ inter omnes constat. Phrenitidis sina-
pismorum pedibus admotorum ope medela,
quam Cel. Van Swieten vis eorum revel-
lentis argumentum esse credidit, e contra-
rio pugnare videtur. Quomodo enim prop-
ter fluidorum pedes versus parcam adeo af-
fluxam molem, (quam porro ab omni cor-
pore reliquo pari ratione dimanavisse oport-
uit), capitis vasa tam fuerunt depleta, quam
ad inflammationem vehementissimam com-
pescendam par sit, difficile sane est intellec-
tu. Istiusmodi reverâ revulsio effectum ta-

lem

lem solummodo edere possit, qualem sanguinis moles eadē e brachio educā; verum, non nisi copiosè admodum sanguine detractō phrenitis fugari possit. Alioquin igitur quam revulsionis ope vesicatoria morbum huncce depellunt. At vero epispasticis morbi fedi quam proxime admotis, quanquam revulsio in rebus talibus magis pollere credi possit, minime existimandum est solam hanc esse vesicatoriorum actionem. Crebro enim inter partes externas ac internas nexus nequaquam tam notabilis est, quam ut credi possit plus revulsionem partem morbo vexatam corpore reliquo afficere. Si vero non plus afficiat, eadem denuo repetenda sunt, quae antea; fluidorum nempe adeo parcam subductionem haud multum ad phlegmasias pellendas valere. Praeterea in colicâ, singultu, et asthmate spasmodico, ubi plurimum valent vesicatoria, vix opus esse revulsione quâlibet videtur, ad quorum

nempe morborum fedes haud antea accumulata fuerunt fluida.

Cel. D. D. Darwin doctrinam aliam de vesicatoriorum actione nuper protulit : haec viri hujus ingeniosi opinionibus multis aliis haud absimilis consensibus quibusdam nititur, quos inter corporis partes diversas existere arbitratur. In ratiocinationem suam hâc observatione ingreditur, vesicatoria corporis superficiem stimulare ; vel ut ipsissima verba dicam, “ blisters invigorate the exertions of the arterial and lymphatic vessels of the skin.” Quando vero, ait, cardialgia adsit, si epigastrio imponatur vesicatorium, consensu inter partes quodam adaugetur ventriculi actio. Quanquam autem hoc modo ratio quaedam de vesicatoriis reddatur, quando ventriculi stimulatione sit opus, in gastritide nihilominus, ubi stimulatio nimia jam adsit, nil valet hujusmodi

ratiocinatio. Vix quidem constat, cur in
 cardialgiâ ipsâ ventriculum stimulare fas sit.
 Ibi enim materie acri irritatur, et sensile jam
 nimis hoc viscus evasit. In gastritide autem
 absurda prorsus talis esset indicatio ; in quo
 reverâ morbo conamina nostra ad stimula-
 tionem minuendam diriguntur omnia. Pos-
 teriùs paullo, ait ille, (non enim plene ad-
 modum de hâc re differuit,) vesicatoria ex-
 pectorationi in peripneumoniâ favent, cu-
 tem primo stimulando ; eâ deinde stimula-
 tione ad membranam pulmonum mucosam
 consensûs alicujus ope devecât. Hoc mo-
 do expectoratio exoritur, morbusque solvi-
 tur. Saepe verò membranam mucosam in
 peripneumoniâ plus minusve inflammari est
 verisimile. Vesicatoriorum porro usus ad ca-
 tarrhum levandum, qui membranae mucosae
 inflammatio est hoc omnino abhorret. Nam-
 que, vesicatorio adhibito, cutem stimulari,
 cum hâc vero membranam mucosam consen-
 sire, morbum dein ingravescere oporteret. E

contrario vero res se habet. Unde certe vesicatoria, nullâ re interpositâ, inflammationibus occurrere potius concludendum est, quam membranae cujuscvis stimulationem intercedere. Ab iis autem, quae de vesicatoriis differuit, quodammodo postea decedit; quando scilicet ea medicamenta morbi tantum finem versus praescribenda dicit, inflammatione vero adhuc urgente. Pro explorato porro habet vesicatoria peripneumoniae prope finem eo valere, quo horroris accessioni vespertinae occurrunt, eorum stimulo cuti universae impertito : non aliter, ait ille, quam laudani guttae quinque ventriculum stimulando rem eandem efficiunt. Non meum equidem est quaerere, num numero quinque solummodo uti fas est; sed cutem universam a vesicatoriis stimulari parum certum est. Praeterea non nisi de inflammatione mitesciente ratio redditur. Quaerendum enim est, cur, incipiente morbo, effectus optimos vesicatorium saepe edit,

dum laudani guttae quinque vel nullum
 prorsus vel malum solummodo effectum
 edidisset? Cur porro, sanguinis detractio-
 ne comissâ, non laudanum, non vesicatorium
 morbo occurrit, verum e contrario horrorem
 aeque ac signum aliud quodque malum et
 avertendum insigniter adauget. Hic sane,
 quamvis a re alienum paulo sit, viri ejus-
 dem inclyti ratiocinationem aliam de lau-
 dani liquidi usu ad ophthalmiam meden-
 dam silentio praetereundam non puto. Ut
 oculi venae ad sanguinem forbendum ciean-
 tur, adhiberi laudanum asseverat. Tametsi
 vero, tali admoto medicamine, sanguis saepe
 forbeatur, rationem nullam profert, cur me-
 llicamentum, quod, sanitate salvâ, oculum
 inflammat, morbo urgente, inflammationem
 arceat? Nec cur laudanum hocce ipsum
 venas ad sorptionem potius quam arterias
 ad effusionem, partemve quamque aliam ad
 actionem auctam stimulet?

Aliam et a caeteris discrepantem esse vesicatoriorum actionem D. Cullen contendit. Ne vero laudato huic viro quae non dixit, false attribuam, ipsissima audi verba e primis lineis (192. 193.) excerpta. “ Much
 “ has been imputed to the evacuation occa-
 “ sioned by blistering ; but it is never so
 “ considerable as to effect the whole system,
 “ and therefore can neither, by sudden de-
 “ pletion, relax the sanguiferous vessels,
 “ nor, by any revulsion, affect the general
 “ distribution of the fluids. The evacuation,
 “ however, is so considerable as to affect the
 “ neighbouring vessels ; and the manifest
 “ utility of blistering near the part affect-
 “ ed, in inflammatory diseases, leads me to
 “ believe, that blistering, by deriving to the
 “ skin, and producing an effusion there,
 “ relaxes the spasm of the deeper seated
 “ vessels, &c. &c.” Haec doctrina plane
 ab inflammationis theoriâ istâ, quae Culleno
 placuit,

placuit, omnino pendet. Si enim spasmus
 non sit inflammationis causa, minime, soluto
 spasmo, inflammatio fugari possit. In com-
 mentariis porro Cel. Van Swieten (396) dic-
 tum est phrenitidem, sinapismis pedibus ad-
 motis, crebro abigi. Unde colligere fas est,
 quod pedum irritatio caput levare possit,
 etsi minus forsan quam ipsius capitis vesica-
 tio. Nescio utrum docto Culleno placuit
 effusionem a parte affectâ distantem hujus
 spasmus solvere potuisse. Ex verbis ejus
 supra citatis haud liquido patet; neque alia,
 quae de hâc re scripsit, invenire potui. Si
 vero non placuerit, explanandae adhuc ma-
 nent phrenitidis sinapismorum ope medelae.
 Si alia autem fuerit ejus sententia, tunc de
 totâ doctrinâ observandum est, quod affir-
 met solummodo effusionem seu derivatio-
 nem ad spasmus internum levandum va-
 lere: cur vero hunc levat, causam non red-
 dit. Quoniam igitur theoriae haec om-

nes mancae quodammodo videantur, aliam de hac re opinionem proferre licet.

Sensibilitas ea corporis vivi conditio esse definitur, quâ, stimulis partibus sentientibus admotis, sensus exoritur. Corporis humani maxima longe pars hâc potestate est praedita. De membranis quidem ac cartilaginibus paucis dubitatum fuit: Vero illae etiam, morbo urgente, haud ambigua sensibilitatis signa produnt. Haec facultas non sponte agit; nam stimulo aliquo ad vim ejus eliciendam semper est opus. Hujusmodi stimulorum nunquam abest copia abundans, calor scilicet, sanguis, fluidaque varia. Unde exoritur, quod, dum sensibilitas adsit, tum quoque sensus plus minusve nunquam fere abest. Aequilibrium quoddam sensibilitatis hujus esse videtur inter corporis partes sensiles, quod parum mutari possit, dum secunda maneat valetudo. Sensibilitas per corpus fere totum ad-

est, in aliâ vero in aliis partibus ratione, viscere omni parteque sensibilitatem sibi propriam vendicante. Si vero ultra modum suum justum augeatur partis cujuslibet sensibilitas, uti haud raro in plurimis morbis evenit, auctus hicce vel a parte vicinâ unâ, vel a corpore universo abducitur, partis ejus vel corporis totius sensibilitate minutâ pro auctâ eâ partis morbo affectae. Hoc ratiocinatione variâ firmatur. Quando intestinorum sensibilitas, velut in diarrhoeâ communi augeatur, ventriculi simul sensibilitas minuitur; aeger cibi non amplius est cupidus, cruditatemque conqueritur. Ad morbum huncce medendum methodus sat bona est ventriculum medicamento emetici cujusvis ope stimulare, ut visceris hujus sensibilitas rationem justam habeat cum intestinis; quo facto morbus exinde evanescit. Quando porro podagrae signa adspiciamus, alia ab illis aequilibrâ

hujus argumenta educere possumus. Nam morbus iste non partes plures simul, vero unam tantum adoritur. Quum enim ad pedes adit, salvus est ventriculus; ventriculo autem correpto, sani illico pedes evadunt: atque, mutatis mutandis, verba eadem repetenda sunt seu capiti, pectori, abdominis visceribus, partive alii cuicui sit obnoxia. Neve de phaenomenis istis materiae morbificae doctrina rationem reddere possit; transitiones enim istae adeo ultra sensum veloces sunt, quod fluidi nullius in corpore motus ad earum explicationem valeat. Eas nisi motus muscularis, voluntate jubente, nil rapiditate exaequat. In morbo hocce sane sensibilitatis conditio fluctuans esse videtur: Quapropter conamina varia ad hanc sensibilitatem huc illuc transferendam exoriuntur. Minime arbitror me rationem, cur podagra partes quaedam, ventriculum nempe pedesque aliis anteposit,

ponit, reddere oportere. Mihi sufficiat, quod plane inter omnes constat in morbo hocce, ante non partis unius sensibilitatem adaugeri, quam alterius fuerit imminuta. In rheumatismo acuto, non minus quam vetusto, hoc quoque observari possit aequilibrium. Nil enim consuetius est, quam ut hic morbus ab unâ parte fugatus sit, alterâ correptâ: Saepe enim a quo tempore primum adest dolor novus, vetus minuitur. Erysipelatis porro translationes huic opinioni multum favent. Nemini quidem ejus morbi dolor ignotus, neque ad situm mutandum proclivitas. Medicos sane omnes doloris exempla non pauca vidisse oportet, qui ab unâ parte fugerit statim ac altera tunc correpta. Phrenitidis a sinapismis pedibus admotis medela huic quoque sententiae annuit. Morbi istius saevi, tetani dici, levamen, irritatione parti vulneratae adhibita, argumenta nova praebet. D. Haygarth

garth aegri tetano affecti historiam narrat, qui dolorem conquestus fuit, musculos colli et nudum poplitis tendinem alternis vicibus vexantem. Colicae porro phlegmasiarumque vesicatoriorum ope medela eadem illustrat: Et, ne plura dicam, inflammationis ab urethra ad testes translatio alii cuicui doctrinae male est congrua. Pus quodlibet mukumve ab urethrâ ad testes usque per vasa deferentia transire posse parum fide dignum; neque est verisimile inflammationem tali modo, nisi rarissime, devehiri. Nam primo velocius longe evenit, quam inflammationem talem transisse credi possit; dein non dolor semper in funiculo spermatico adest: Quamvis, si adfuerit, testis ponderi aucto id tribui possit. Inflammatio porro ad testem vicinum haud raro transit, ad quem nemo mortalium inflammationem quoquomodo serpere posse asseverabit. Verum e contrario, si haec omnia

nia sensibilitatis aequilibrio rupto tribuamus, lucida ac manifesta res exinde evadit. Tunc enim nil hic adesse credimus, nisi excessûs sensibilitatis ab uno ad alterum locum transitionem. Istiusmodi quoque forsân sunt testium tumor ac dolor a cynanche parotideâ oriundi. Hippocratis aphorismus est, qui huic sententiae favet. ‘ Duo-
 “ bus doloribus simul exortis, non in eo-
 “ dem loco, vehementior obscurat alte-
 “ rum.” Ab hâc sane observatione, non minus quam ab aliis nonnullis supra citatis, aequilibrii doctrina pendet. Aphorismus id asserit, quod corporis universi legibus congruum facere doctrina tentat*.

Vesicatoria

* Me sane hic locorum notare decet, quod doctrinae hujus principia a patre meo inhausi. Ille tractatulum de morbis nervosis scripsit, ac coram societate, literariâ dictâ, in universitate Glasguensi publice (anno 1782) legit. Quo in opusculo asseveravit aequilibrium esse sensibilitatis; cui argumento fuisse hoc credidit, quod dum cutis externa, vesicatorio adhibito, sensilior fiat, inflammatio profundior penitus subinde evanescat.

Vesicatoria vel ad corporis totius, vel ad corporis partis morbo affectae, vel denique ad partis sanae stimulationem adhibentur. Quando ad corpus universum afficiendum applicentur, eorum operandi modus vix ab alio cujuscvis stimuli modo abhorret. Dubitare quidem cum Culleno licet, num stimulus ob inde exortam humorum detractionem multum valeat? Hoc autem praetermissio non ab aliis medicamentis, quae corpus a statu debili torpidove excitant, discrepare videntur. Quapropter ad comata levanda undecunque exorta praeciuntur; neque abnegari possit, quin effectus bonos aliquando edant. Talibus sane auxiliis eo plus confidere oportet, quo aeger aliis remediis difficile admodum affici ut plurimum possit. Si in febre recenti quid ex iis boni unquam exoriatur, eidem est tribuendum: Ac de eorum in variolâ usu

usu (si hujusmodi quid est) vix dispar est ratio.

Vesicatoria quoque partibus morbo affectis adhibentur, veluti in paralyfi hydrope, atque herpete. In paralyfi corporis pars quaedam torpida evasit; quare stimulatione est opus: Et vesicatoriorum in morbo hocce applicatio bene, uti aiunt auctores, subinde vertit. In hydrope vesicatoria serum nimium evacuant; et cantharides ipsae, si forsan harum pars quaeque forbeat, diuresi favere possint. Iis vero, qui hydrope laborant, vesicatoria caute admoveantur oportet, neque unquam cutis hydropicae ad gangraenam proclivitat obliviscendum medico. In herpete vesicatoria partem affectam tantummodo stimulare videntur. Horum remediorum prope glandulas colli tumidas applicatio, cujus mentionem facit D. Percival, effectus suos bonos

edit vel ob sorptionem, et dein per glandulas cantharidum transitionem, vel forsan ob glandulae tali modo imminutam sensibilitatem. De his remediis, utpote quae fluidorum minuunt molem, satis jam fuit disceptatum.

Vesicatoria porro ad partes sanas stimulas nec raro adhibentur, sicuti in phlegmasiis, haemorrhagiis, colicâ, dysenteriâ, diarrhoeâ post morbillos, et vomitione. In inflammatione omnigenâ duae sunt res notatu dignissimae haud secus ac facillimae: Fluidorum nempe partem versus fluxus solito major, atque sensibilitas adaucta. Non sane nostrum est hic locorum quaerere unde haec oriuntur, aut quae sit inflammationis causa proxima? Hoc sufficiat, quod maxime notabilis est et fluidorum ad partem et sensibilitatis auctus. Pars enim ulla, velut oculus, decolor antea et exsanguis, statim

tim ac inflammatione est correpta vivide
 rubescit, vasis olim seriferis multo nunc
 sanguine turgentibus. Si vero sensibilitate
 sive nullâ praedita pars fuerit, velut cartila-
 go quaevis, inflammatione excitatâ, proti-
 nus sensilis adeo evadit, ut quam partem
 nullus antea stimulus afficiebat, eam levissi-
 mus nunc tactus, dolore immani cruciati-
 busque torquet. Sensibilitas igitur ac flui-
 da nunquam in inflammationibus non au-
 gentur; sedulo igitur notandum est, horum
 sublato quovis, fugari morbum. Sensibili-
 tatem causam esse inflammationis nequa-
 quam nunc assevero; neque quicquid, cur
 inflammatio et aucta sensibilitas simul ple-
 rumque evanescunt, est disputandum. Hoc
 solo fundamento nititur argumentum adeo
 rem habere. Omnia enim remedia nos-
 tra, quae ad inflammationem pellendam va-
 lent, vel fluida, vel sensibilitatem a parte
 affectâ detrudere videntur. Nam si febrem
 G praetermittamus,

praetermittamus, quâ fugatâ, inflammatio nihilominus perstare possit, medicamenta cuncta nostra tali modo agunt. Refrigerantium ordo totus fluida plane ac forsan sensibilitatem quoque partis minuunt. Hirudines, quas plurimum valere confitendum est, revulsionis ope praecipue effectum suum edunt. Verum si inflammatio partem internam quamlibet adoriatur, non haecce adhiberi possunt auxilia. Pyrexia plerumque adest, ad quam compescendam sanguis multus detrahatur oportet. Si autem aegrotantis sanguini parcere sit votum, vesicatoriis adhibitis id fieri possit. Quomodo igitur hoc efficiunt? Duplici uti videtur modo; vix enim abnegari possit fluida aliquando a morbi sede abstrahi. Verum enimvero inter partes externas ac internas nexus non semper admodum est arctus; atque medicamina ista a parte effectâ adeo remota saepe cum eventu felici adhibentur

ut parum valere possit revulsio. Vesicatoria enim nonnunquam effectum suum edere videntur, sensibilitatem, quâ adhibita fuerunt, augendo ; ad partem vero inflammatione correptam minuendo. Pars enim vesificata sensibilitatem sibi comparare videtur a partis affectae sensibilitate nimiam. Nam a quo tempore vesicandi dolor incipit, inflammationis minuitur (vide Pringle). Si interroget quis, cur febris tollatur ob sensibilitatem hancce nimiam in cutem transfusam, illi respondendum est dolorem in locis quibusdam nequaquam ut in aliis corpus universum afficere : vesicatorii porro dolorem paulatim minui, sensibilitatis iterum aequilibrio instaurato, dum inflammationis dolor longius multo perstitisset. Neque aliam de hac re rationem scio. In morbis aliis eodem fere modo effectum suum praestant vesicatoria. In haemorrhagiis revulsionem forsan plus valere credi possit :

verum

verum pars, a quâ sanguis effluit, sensibilitate quâdam aucta non eget, uti videre est a dolore, titillatione, ac caloris sensu. In colicâ aequilibrîi sensibilitatis ope explicatio dilucida est ac manifesta. Spasmus a sensibilitate nimîâ partium internarum exoritur : fortius igitur partes externae irritentur ; sensiliores hae evadunt, internae vero minus sensiles, spasmusque solvitur. In dysenterîâ et fluidorum et sensibilitatis partem affectam versus fluxus adauctus esse videtur. Si, uti Culleno placuit, a spasmo pendeat, vesicatoria eodem quo in colicâ modo valent ; si vero abnormis fluidorum distributio intestina versus fiat, vesicatoria sanguinem in cutem ducere possint. Ambobus forsitan quadantenus fides adhibenda. In diarrhoea a rubeolis exorta vesicatoria inflammationem quandam tollere videntur ; quare eodem modo quo in phlegmasiis agere credendum. In vomitione facvâ ac longius

erstante, (vide Percival), ventriculo de morbo convulsivis multo dolore stipatis laborante, vesicatoria regioni epigastricae adhibita optimos subinde effectus praestant. Vesicatoria igitur sensibilitatis aequilibrium restaurare haud raro videntur: et, mutatis mutandis, eadem denuo de sinapismis, oleis, ac acribus repetenda. In eorum tamen minus adhuc quam in vesicatoriorum actione revulsio valere videtur ob effusionem ab illis bene nullam exortam. In rheumatismo saepe cum eventu fausto adhibentur: in eorum revulsione quam stimulo suo agere possunt, aucta cutis sensibilitate, ut partes subjacentes minus sensiles evaderent.

Pauca tantum amplius de fonticulis et seccis ante finem factum est differendum. De validâ eorum vi satis jam ac super foris dictum fuit. Vix quidem dubitari possit, quin eadem prorsus sit eorum quam vesicatoriorum.

vesicatoriorum actio : quanquam plus paullo
forsitan revulsio valeat. Morbi plurimi, ad
quorum medelam adhibentur, etsi vetusti
plane sunt inflammatorii ; et in horum plu-
ribus, vesicatoria levamen saltem adferunt,
si non sanitati omnino corpus reddant.

F I N I S.

175
17

